

Кондак 1

Избранной от всех родов и дивной Заступнице всего рода христианского Пресвятой Богородице Деве Марии, похвалы приносим мы недостойнии, чудному и святому Ея образу Касперовскому, принесенному в землю нашу из Сербии православной на укрепление веры Христовой и нашего спасения с любовью прибегающих к Ней и поющих:

Радуйся, Богомати Пречистая, града Одессы и всея земли Черноморския покрове и заступление.

Икос 1

Ангелов превышшая явилася еси Царице Пресвятая, явлением иконы Твоя Святыя исполнила еси радости христиане православные, к Тебе с верою и любовью прибегающи. Ты бо, Дева Пречистая, явила еси граду Одессы и всего Черномория живущи, дивныя заступления, озаряюще струями чудес твоих вся верныя, в радости вопиющая Ти:

Радуйся, верная Заступница наша пред образом Твоим молящихся;

Радуйся, бесчисленные щедроты Твоя, от Господа нам испрашивающая.

Радуйся, яко глагол Божий в Тебе николиже изнеможет;

Радуйся, яко от Тебе никто же тощь или неуслышан отходит.

Радуйся, яко пред образом Твоим многие получаще благословения;

Радуйся, яко пред Ним же оными исполняешся просимая желания.

Радуйся, Богомати Пречистая, града Одессы и всея земли Черноморския покрове и заступление.

Кондак 2

Видя Тя, Заступницу усердную рода христианского на иконе Твоя Касперовской изображенную и многи чудесы от Нея совершаемии, всяк день вернии в молитвах своих к Тебе прибегают, прося помощи и заступления. Ты же, Мати Милосердная буди всем скорбящим радостью и обидимых Заступницею, во хвалу Твою Богу поющим: Аллилуия.

Икос 2

Разум человеческий не возможет вместити дивныя чудеса Твоя, Дева Пресвятая. Како не может град укрытися вверху горы стоя, ниже вжигают светильника и подставляют его под спудом, но на свещнице, и светит всем, иже в храме суть, тако и образ Твой Касперовский святыи. Яко светило Божественное сей бо образ изливает благодать прибегающих к Нему и поющим Ти, Богородице сие:

Радуйся, предстательнице Ты наша крепкая и непостижимая;

Радуйся, исполненное желание Ты наше всеблагое.

Радуйся, Ты веры благочестивыя недвижимое сохранение;

Радуйся, светильниче превышший на свещнице поставленный.

Радуйся, благочестивыя от бед и скорбей Ты чудно сохраняющая;

Радуйся, озлобленные души Ты от погибели отвращающая.

Радуйся, Богомати Пречистая, града Одессы и всея земли

Черноморския покрове и заступление.

Кондак 3

Сила Всевышнего призва многи люди православныя в весь Касперовку на обретение иконы Твоея пречудныя. Ты бо, Царице Небесная, благоволила еси прославити образ сей Святой, знаменая и чудеса величая. Людии же честь и славу образу Твоему возсылаху, в пении духовных Господу взываху: Аллилуия.

Икос 3

Имея от юности крепкую веру православную некто серб благородный принесе из Трансильвании родовой образ сей Пресвятыя Богородицы в землю нашу. И яко святыня велия, сия икона бысть благословением из рода в род в веси Касперовке. Пред Нею же молящиеся изливаше скорби своя и воздыхания молитвенныя, получаше просимая, с верою поя Богородице:

Радуйся, премилосердная наша Утешительница;

Радуйся, вернейшее наше спасение.

Радуйся, семейств христианских в благочестии сохранение;

Радуйся, в вере Христовой живущия укрепляющая.

Радуйся, благословение домов и супружеств благочестивых;

Радуйся, благочестивых христиан защита и похвало.

Радуйся, Богомати Пречистая, града Одессы и всея земли Черноморския покрове и заступление.

Кондак 4

Буря помыслов смущаше супруги Касперовы, како чудное обновление святыя иконы Твоея, Владычице, явился в нощи глубокия и без свидетелей Ея. Хотяше сокрыти чудо сие, и по взаимному согласию сказати неправду, супруги не смогше. Воля бо Божественная суди иначе, да не сокрыто бысть превелие чудо сие, но явлено всем верным, в радости поющим Богу: Аллилуия.

Икос 4

Слышаше о дивном чуде обновления иконы Твоея, Владычице, многия верныя со всея земли Черноморския стекахуся на поклонение сия Святыни великия, Хвалы и почитания Тебе, Пречистая Богомати, воздавая с верою и любовью поющия:

Радуйся, явлением святыя Иконы Твоея, многия люди православныя обрадовавшая;

Радуйся, возносимыя к Тебе молитвы от сердец верных приемлющая.

Радуйся, истинныя веры Православныя утверждение;

Радуйся, многие неверныя образом Сим, к вере приведение.

Радуйся, сокровище Божественное иконою Твоею нам преподававшая;

Радуйся, души наша на путь истинный наставляющая.

Радуйся, Богомати Пречистая, града Одессы и всея земли Черноморския покрове и заступление.

Кондак 5

Богосветлая звезда явился Твоя Касперовская икона, Пресвятая Дево, егда принесена была еси в церковь Божию. Отселе Твой благодатный Покров сим образом распространися на

вся веси и грады Черноморския, вси бо вернии приходящи к иконе Твоей, и с верою молящися получаше исцеления и благодатныя помощи, воспевая Богу: Аллилуия.

Икос 5

Видеша велия чудеса во храме святем от иконы святыя бываемыя, Дева Пречистая, бесчисленные народы стекахуся на торжества и прославления Ея. Крестныя ходы совершашеся в честь новоявленных иконы Твоея, обнося Ея и о спасении и заступлении взывая Тебе со умилением:

Радуйся, Заступнице, Царице Небесная, стране нашей отрадо и утешение;

Радуйся, Преблагословенная Дева, Покров Свой над нами простирающая.

Радуйся, яко от нас, недостойных благоизволила принимати моления;

Радуйся, яко и Сама возжелала приносить моление наша ко Престолу Бога Вышнего.

Радуйся, яко обретением иконы Твоея, явися чудом велия милости Божия стране нашей;

Радуйся, яко образом сим низложися гордыня и шатание языческое.

Радуйся, Богомати Пречистая, града Одессы и всея земли Черноморския покрове и заступление.

Кондак 6

Воссия пречудною славою икона святыя Касперовская, егда Святейший Синод Церкви воистину призна и засвидетельствова, яко икона сия бысть великая святыня всея земли Черноморския. И отныне всесильное заступничество святыя иконы Касперовския явися благостным Покровом Матери Божией распростертым над нашею землею. Слыша сия благостныя вещания верныя воспеваху Богу: Аллилуия.

Икос 6

Проповедают грады и веси земли Черноморския истину святыя иконы Твоея Касперовския, Богомати Пречистая, яко благоизволила еси прославити образ Твой святыи многочисленными знаменьями и чудесы. Многие бо грады и веси восхотеша видети образ Твой святыи, просяще доставити для молитв и поклонения ему, и в радостех встречая сию велию Святыню, воспеваша Тебе Преблагословенней тако:

Радуйся, Радости наша, печали наша в радость претворяющая;

Радуйся, Всеблагая заступница от всяких бед и искушений избавляющая.

Радуйся, Всемилостивая Владычице, милостию Твоею нас не оставляющая;

Радуйся, Взбранная Воеводо, врагов видимых и невидимых побеждающая.

Радуйся, Вратарнице благая, во врата Рая путь верным указующая;

Радуйся, Скоропослушнице Божественная, молитвы наша приемлющая.

Радуйся, Богомати Пречистая, града Одессы и всея земли Черноморския покрове и заступление.

Кондак 7

Хотяще воззрети на святую икону Твою, Пресвятая Дево, и с верою усердно помолитесь, многотысячная стечения молящихся встречаху сию икону Касперовскую, коленопреклонения совершающе по пути шествия крестных ходов Великия Святыни, немолчно воспевая: Аллилуия.

Икос 7

Дивныя знамения милосердия совершашеся силою Благодати Божественные чудотворныя иконы Твоея, Дева Пречистая: болящие исцеляхуся, расслабленные укрепляшеся, бесные от духов нечистых свободашеся, слепые видяху Пречистый образ. Всеи убо едиными усты и сердцем взываху: Пресвятая Богородице, помогай нам, и спасай вся, имя Твое в радости величаючи:

Радуйся, Предстательнице Ты наша к Богу непостыдная;

Радуйся, Ты с Сыном Твоим и Богом нашим вечно

Царствующая.

Радуйся, Спасение Ты человеческое во благо устрояющая;

Радуйся, болящих и страждущих Ты первая Целительнице.

Радуйся, яко Тобою грешнии от погибели спасаются;

Радуйся, яко Тобою от страстей нечестия мы избавляемся.

Радуйся, Богомати Пречистая, града Одессы и всея земли Черноморския покрове и заступление.

Кондак 8

Всем живущим града Одессы бысть велия радость, егда честная икона Касперовская пренесена была еси православными для молитвенного заступления от вражиих нападений, и яко видимый знак небесного покровительства града сего. Сей бо образ Твой Святой, Дева Пречистая, явися верным непреборимым оплотом противу иноземных сил вражиих и надежнейшим залогом спасения нашего, прославляющих Бога Вышнего и поющих: Аллилуия.

Икос 8

Вся немощная мира избра Бог, да посрамит крепкая худородная мира и уничиженная, избра и не сущая, да сущая упразднит. Тако образом Твоим Святым, Пресвятая Богородице, благословение и защищение снизошло на людей кротких и смиренных, молчаливых, трепещущих пред словом Божиим. Вся прибегающая к Тебе спасти, даруя чадам послушание, обидимым терпение, скорбящим благодушие, и вси чтущий Тя, пред образом молящихся, приемлют исцеления воспевая Ти:

Радуйся, граду Одессы в молитвах пред образом святым ободрение и утешение явившая;

Радуйся, яко град сей и от вражеских пленений избавляющая.

Радуйся, вся живущия в нем к народному покаянию и молитве призывавшая;

Радуйся, свою милость и пощаду граду иконою Касперовскою явившая.

Радуйся, вражеский флот от разорения града Одессы
отгнавшая;

Радуйся, вся живущая града Одессы верою во спасение
укрепившая.

Радуйся, Богомати Пречистая, града Одессы и всея земли
Черноморския покрове и заступление.

Кондак 9

Всякое естество небесных и земных похвальное пение
приносит Ти, Царице Небесная, яко Твой образ Святыи явися
покровом небесного заступления и защиты града Одессы в трудныя
годины бедствий и нападений вражих, сохраняя живущия в нем и
вопиющих Богу: Аллилуия.

Икос 9

Ветии человечести не возмогут исчеисти щедроты Твоя, Дево
Пречистая, ниже изъяснити божественную силу исходящую от
святыя иконы Касперовския. Все бо прибегающи к Ней и с верою
молящися Тебе, Богордице, получаше желаемая и в радости
воспевающи Ти:

Радуйся, Хранительнице Ты наше и Утверждение;

Радуйся, лучами чудес Твоих всех верных просвещающая.

Радуйся, тихое и доброе ты наше пристанище;

Радуйся, Ты радости градов и всея земли Черномория.

Радуйся, Ты Церкви Православныя Похвало и Слава;

Радуйся, Ты злые начинания разрушающая и козни вражи
расторгающая.

Радуйся, Богомати Пречистая, града Одессы и всея земли
Черноморския покрове и заступление.

Кондак 10

Спасти хотяще нас грешных, благоволила еси Богородице,
явите икону Твою Касперовскую на Покров и спасение не токмо
града Одессы, но всея земли Черноморския. Многи милости и
щедроты Твоя, образом сим Ты даровала еси верным. Со
благоговением и верою притекающи к Тебе вопиют: «Буди
Заступницей нашей усердной у Престола Бога Вседержителя, и да
сподобит нас Господь деснаго стояния и пети Ему со всеми
святыми»: Аллилуия

Икос 10

Стена еси неборимая, стража неусыпна от всяких напастей
и бед всем к Тебе прибегающим. Твой бо образ святыи явися
неиссякаемым источником благодати, источающий исцеления всем,
с верою к Нему молитвенно обращающимся. Темже и мы, к Тебе
припадающи в скорбех и болезнех умильно глаголем Ти:

Радуйся, едина наша Мати милосердия, умилосердися над
нами грешными;

Радуйся, яко Ты Покрове наш благодатный, покрый нас от
всякого зла.

Радуйся, яко Тобою вся болезни наша душевныя и телесныя
исцеляются;

Радуйся, яко Твоею помощью вся наша страсти и недуги
истребляются.

Радуйся, яко веру, надежду и любовь к Богу укрепляти Ты нам помогаеши;

Радуйся, яко и во всяких обсточних на стезю спасения Ты направляющая.

Радуйся, Невесто Невестная;

Радуйся, Богомати Пречистая, града Одессы и всея земли Черноморския покрове и заступление.

Кондак 11

Пение наше недостойное со умилением Тебе приносяще приими, Дева Пречистая, и теплой молитве нашей внимлюще, услыши всех к Тебе прибегающих. Ты бо еси воистину наша Заступнице, грозные беды от нас отвращающая, страсти и распри вся утешающая, и под Твою милость вси мы прибегаем поюция Богу: Аллилуия.

Икос 11

Светоприемную свещу света невечернего зрим икону Твою Святую, образ Ея Касперовский немерцаемо сияет во храме святем града Одессы, озаряя благодатию Божественною всех прибегающих под покровительство единой Заступнице всего рода христианскаго. Сей бо образ Святыи силою Божию вражия действия отгоняет, вся недуги наша исцеляет и благословение дарует вопиющим Богородице:

Радуйся, яко Ты еси Заступница обидимых и помощи страждущих;

Радуйся, яко Ты еси по милосердию Своему удерживала десницу Господа, простертую для наказания грешных.

Радуйся, яко Ты милосердием Своим отвращала бедствия от нашего Отечества и утешала распри и войны;

Радуйся, яко Тобою останавливались опустошительные проказы и утолялся голод.

Радуйся, яко помазанием елейным от лампы иконы Твоея возвратися рассудок многим, одержимым силою бесовскою;

Радуйся, яко многи получаша здравие на молебнах у святых иконы Твоея.

Радуйся, Богомати Пречистая, града Одессы и всея земли Черноморския покрове и заступление.

Кондак 12

Благодать Божественная обильно явися через икону Святую Твою, Благоблаженная Дева. Твой бо образ Касперовский верным даровался во священие и спасение душ наших, во ограждение от нападков от враг видимых и невидимых, и в знамение величайшего заступления всея нашей отчизны. Темже с верою приносим Ему поклонение и молитвенно Богу поем: Аллилуия.

Икос 12

Поюще и прославляя чудеса Твоя, Дева Пресвятая от святых иконы Твоея совершаемая, вси со страхом и трепетом Тебе припадаем, и молим Тя, Владычицу Мира, буди всем нам щитом непобедимым и стеною неодолимою, покровом нерушимым и ходатаицей к Сыну Твоему и Богу нашему, Тебе непрестанными гласы поющими:

Радуйся, Ты врагов наших видимых и невидимых всегда побеждающая;
Радуйся, Ты благие желания всем верным исполняющая.
Радуйся, Ты явлением иконы святыя Твояе вся верныя люди просвещающая;
Радуйся, яко взирая на икону святую Твою, Тебе истинней Богородице поклоняемся.
Радуйся, яко Ты еси всех славящих имя Твое прославляющая;
Радуйся, яко и во всякой нужде нашей полезная и благая всем помогающая.
Радуйся, Богомати Пречистая, града Одессы и всея земли Черноморския покрове и заступление.

Кондак 13

О, Пречистая и Милосердная Владычице наша, Дево Богородице! Пред святою Твоею иконою услыши нас, предстоящих Ти и с верою и любовью молящихся. Вонми гласу молебному нашему, и избави нас от всяких бед и напастей, скорбей и болезней и грядущего изми мучения всех имя Твое призывающих и Сыну Твоему вопиющих: Аллилуия, Аллилуия, Аллилуия.

Этот кондак читается трижды, затем читается икос 1-й и кондак 1-й

Молитва Пресвятой Богородице перед Ея иконой, именуемой "Касперовская"

О, Пресвятая Дево, Богомати Пречистая, града Одессы и всея земли Черноморския покрове и заступление! Тебе припадаем и поклоняемся пред Святою и Пречестною иконою Твоею Касперовскою, Еюже дивные и преславные чудеса совершашася. Ты едина еси радости наше Ходатаице и яко Мати Божия можешаи всем нам помощи. Тебе убо единой дадеся Матернее дерзновение умилоствляти Сына Твоего Христа Бога нашего о спасении нас грешных. Темже смиренно молим Тя, Всемилостивую Владычицу нашу, не презри и не возгнушайся воздыханий наших, но помози нам немощным скверным и неисправленным, скорбящим и озлобленным, больным и заблудшим, в сокрушении сердец наших прибегающих. Избави нас Преблагословенная Госпоже, Мати Господа Вышнего, от всяких бед и скорбей, от всяких недугов и болезней, от внезапных смерти, от напастей демонских и наветов злых человек, яко Тобою и демоны попираются и вси враги наши посрамляются. Умоли, Госпоже Пречистая, Господа и о еже сохранитися Отечеству нашему и Православней Церкви нашей в мире и тишине. Вышним Своим Благословением, да укрепит Господь Архиереи наша Православныя, и пастыри, христолюбивое воинство со всеми православными христианами. Всех же нас огради от всякого зла благодатию Твоею, и утеша милостивым Твоим посещением и вся благодетельная нам. Еще же, о Владычице, молим Тя, еретическое востание низложи, рассеянные собери, заблудшия во едино Христово стадо возврати, старость поддержи, юныя вразуми, вдовицы и сироты защити, болящия исцели и скорбящие утеша. Прежде отшедшие отцы и чада и братию нашу во светлостех райских и селениях праведных упокой, с ними же и нас всех в покаянии и исповедании приими, да и мы со всеми Святыми прославим Пречестное и Пресвятое имя Отца и Сына и Святаго

Духа, ныне и присно, и во веки веков. Аминь.

Молитва иная

О Пресвятая Дево, Мати Господа вышних сил, небесе и земли Царице, града и страны наша всемогущая Заступнице! Приими хвалебноблагодарственное пение сие от нас, недостойных раб Твоих, и вознеси молитвы наша ко Престолу Бога, Сына Твоего, да милостив будет неправдам нашим, и пробавит благодать Свою чтущим всечестное имя Твое и с верою и любовью поклоняющимся чудотворному образу Твоему. Немы бо достойны от Него помиловани быти, аще не Ты умилостивиши Его о нас, Владычице, яко вся Тебе от Него возможна суть. Сего ради к Тебе прибегаем, яко к несомненной и скорей Заступнице нашей: услыши нас, молящихся Тебе, осени нас вседержавным покровом Твоим и испроси у Бога, Сына Твоего: пастырем нашим ревность и бдение о душах, градоправителем мудрость и силу, судиям правду и нелицеприятие, наставником разум и смиренномудрие, супругом любовь и согласие, чадом послушание, обидимым терпение, обидящим страх Божий, скорбящим благодушие, радующимся воздержание, всем же нам дух разума и благочестия, дух милосердия и кротости, дух чистоты и правды. Ей, Госпоже Пресвятая, умилосердися на немощныя люди Твоя: разсеянныя собери, заблуждшыя на путь правый настави, старость поддержи, юныя уцеломудри, младенцы воспитай, и призри на всех нас призрением милостиваго Твоего заступления, воздвигни нас из глубины греховныя и просвети сердечныя очи наша ко зрению спасения, милостива нам буди зде и тамо, в стране земнаго пришельствия и на Страшном суде Сына Твоего: преставльшыя же в вере и покаянии от жития сего отцы и братию нашу в вечней жизни со ангелы и со всеми святыми жити сотвори. Ты бо еси, Госпоже, слава небесных и упование земных. Ты по Бозе наша надежда и заступница всех, притекающих к Тебе с верою. К Тебе убо молимся, и Тебе, яко всемогущей помощнице, сами себе и друг друга и весь живот наш предаем, ныне и присно и во веки веков. Аминь.

Тропарь Пресвятой Богородице перед Ея иконой, именуемой «Касперовская»

Тропарь, глас 4:

Днесь, благовернии людие, светло празднуем, осеняеми Твоим, Богомати, пришествием, и, к Твоему взирающе Пречистому образу, умильно глаголем: покрый нас честным Твоим покровом и избави нас от всякаго зла, молящи Сына Твоего, Христа Бога нашего, спасти души наша.

Тропарь, глас 3:

Днесь светло красуется икона Твоя Касперовская, Богомати Пречистая, созывающи вся верныя на преславное торжество во граде Одессы. Приидите вси ко источнику цельбоносному, источает бо нам неоскудные милости и избавляет от бед верою и любовью к Ней притекающие.

Кондак, глас 4:

Яко заря пресветлая, озаряющая всех нас, Твоя святая

икона Касперовская, Пресвятая Дева, явися Крепкая Помощнице всем нам от всяких напастей и бед, сохраняя живущие во граде Одессы и во всех концах земли Черноморския.

Кондак, глас 3:

Дева днесь предстоит в церкви и с лики святых невидимо за ны молится Богу, Ангели со архиереи покланяются, апостоли же со пророки ликовствуют: нас бо ради молит Богородица Превечнаго Бога.

Празднование в среду Светлой седмицы, 29 июня/12 июля и 1/14 октября